

TEZAUUR LITURGIC

27 IUNIE

**ACATISTUL
SF. CUVIOS
GHEORGHE III
DE LA
IVIRON-ATHOS**



TBILISI, 2000



დაუჯდომელი საგალობელი ღირსისა მამისა ჩუენისა გიორგი მთაწმიდელისა

კონდაკი 1

ზეცით მონიჭებულსა სიმტკიცესა
მართლმადიდებელთასა და მწყემსსა და მოძღუარსა
ქართველსა ერისასა ქებით გიგალობთ და მეოხ-
გყოფთ ღმრთისა მიმართ მოწყალისა, მოიხილოს ჩუენ
ზედა და ვიდრე აღსრულებადმდე საუკუნისა დაიცვას
ივერიაჲ და ერი ივერიისაჲ, რადთა არა მივიდრიკოთ
უსჯულოებისადმი და გულსმოდგინებითა ვაქოთ
საქმენი შენნი, ღირსნი ქებისაჲ: გიხაროდენ,
კეთილმსახურებისა ხატო ბრწყინვალეო, ღირსო მამაო
ჩუენო, გიორგი მთაწმიდელო!

იკოსი 1

ვითარცა მეფეთა ისრაელისასა მოუვლენდა უფალი
ჟამითი-ჟამად წინაღსწარმეტყუელთა, ზღუ-დედ
სჯულისა და შესაწევნელად მორწმუნეთა, ეგრეცა
მოხედნა მოწყალეებამან ღმრთისამან ნათესავსა ჩუენსა
და გამოგაჩინა ვითარ ახალი ოქროპირი,
განმანათლებელად და მაწვეველად სათნოებათა და
მოღუაწებათა, ამისთჳსცა მოვევლტით მფარველობასა

შენსა და მადლობასა შევ-სწირავთ ღმერთსა,
რომელმანცა მოგანიჭა ეგევითარი მადლი სულიერი,
და გნატრით შენ, ვითარცა ქართველთა ეკლესიისა
მნათობსა ბრწყინვალესა:

გიხაროდენ, ჭურო რჩეულო, სამკვდრებელო სულისა
წმიდისაო;

გიხაროდენ, ძეგლო სარწმუნოებისაო და ქადაგო
ჭეშმრიტებისაო;

გიხაროდენ, მსახურო სამებისაო და სამკაულო
მღდელობისაო;

გიხაროდენ, მობაძავო მწყემსისა მის კეთილისა იესუ
ტკბილისაო და მუშაკო ვენახისა მისისაო;

გიხაროდენ, სიბრძნითა გამომეტყუელო სულისა
საიდუმლოდსაო და ღმრთივ-აღძრულო ქნარო
სიტყუათა დავითისაო;

გიხაროდენ, ძალაო და დამამტკიცებელო მეფეთა
სკიპტრისაო;

გიხაროდენ, უწმიდესო ვარსკულავო უდაბნოდსაო და
საცნაურო მზეო, მნათობო საქა-რთველოდსაო;

გიხაროდენ, ზეციერო წინამბრძოლო ქართველთა
ერისაო;

გიხაროდენ, ოქრომდინარეო, მომრწყველო მამულისა
შენისაო;

გიხაროდენ, საფუძველო და სიმტკიცეო ივერთა
ეკლესიისაო;

გიხაროდენ, კეთილმსახურებისა ხატო ბრწყინვალეო,
ღირსო მამაო ჩუენო, გიორგი მთაწმიდელო!

კონდაკი 2

პირველ მუცლად ღებისა შენისა ეჩუენა ანგელოზი
უფლისაჲ დედასა შენსა მარიამს და უწყებულ ყვნა:
„იხარებდით, რამეთუ ჰმვე ყრმაჲ, მრავალ ჟამ
თხოვილი ღმრთისაგან, უწოდე მას გიორგი და
ვითარცა მსხუერპლი კეთილი, შეწირე იგი მისსა,
რომელისადა აღგიტყუამს“, ხოლო
კეთილმორწმუნემან დედაკაცმან შიშითა და
სიხარულით ამცნო ხილვაჲ ესე იაკობსა - მეუღლესა
თვსსა და სათნოებათა მიმართ წარმატებულნი
შესწირვიდენ უფალსა გალობასა ღირსსა: ალილუია.

იკოსი 2

იშევ რაჲ ღმრთისა მიერ აღთქმული ეგე ყრმაჲ,
სიჩხოდთგან განგსწავლეს სწავლითა სულიერითა და
შვდისა წლისა სამცხეს, ტაძრისად წოდებულსა
მონასტერსა შეგწირეს ღმრთისა, ხოლო შენ
ანგელოზებრ შუენიერ იყავ ხატითა და სავსწ
სიბრძნითა და ნიჭნი გულისკმის-ყოფისანი მოიხუეჟე
ლოცვითა მკურვალითა, ეგრეთვე აწ მოგუფინე
მადლი ყოვლად განწმედილისა ლოცვისა შენისაჲ,

რადთა არა შთავარდეთ საფრჯესა მტერისასა და
ვიტყოდეთ ძალისაებრ ჩუენისა:

გიხაროდენ, ყრმაო საკვრველო, უფლისა მიერ
წინადსწარ გამორჩეულო და კურთხეულო;

გიხაროდენ, სამოელისაებრ პირველ მუცლად ღებისა
ღმრთისადმი შეწირულო;

გიხაროდენ ნაყოფო ტკბილო, ძირისაგან პატიოსნისა
აღმოცენებულო;

გიხაროდენ, სიჩხოდთგან მადლითა ღმრთისადთა
დაცულო;

გიხაროდენ, სიყრმითგან ყოველთა სახიობათა და
ლალობათა განრინებულო;

გიხაროდენ, ახალნერგო შუენიერო,
თანაწარსადინელსა წიგნთა ღმრთივსულიერთასა
დანერგუ-ლო;

გიხაროდენ, სულისა ნექტარითა მორწყულო;

გიხაროდენ, წვრთასა შინა საღმრთოთა წერილთასა
აღორძინებულო;

გიხაროდენ, მოყვარეო სათნოებისაო და მეძიებელო
სასუფეველისაო, მისმიერთა მით ბრწყინვალებითა
აქავე განათლებულო;

გიხაროდენ, საწუთროდსა გემოვნებათა
მომძულეებელო;

გიხაროდენ, შფოთთა სოფლისათა განშორებულო და
ზესთა-სიკეთითა განმსჭვალულო;

გიხაროდენ, კეთილმსახურებისა ხატო ბრწყინვალეო,
ღირსო მამაო ჩუენო, გიორგი მთაწმიდელო!

კონდაკი 3

ხედვიდა რად გულსმოდგინებასა შენსა, მტერი იგი
კაცთა ცხოვრებისად და მბრძოლი წმიდათად
აღბორგნა, რამეთუ სიყრმითგანვე იზარდებოდი
დამრთგუნველად ძალისა მისისა, და შეძრწუნებული
მძვნვარედ გეკუეთა, გარნა ღმრთისა მიერ შემწედ
შენდა მოვლენილნი ანგელოზნი გიძლოდენ შენ და
გფარვიდენ ყოველთა დღეთა ცხოვრებისა შენისათა, და
აწცა მარადის მათ თანა მდგომარე ხარ წინაშე
ღმრთისა და ძაღვიძს შეწევნად ყოველთად, რომელნი
მეოხებასა შენსა მოივლტიან და აქებენ მოწყალებასა
მისსა: ალილუია.

იკოსი 3

ყრმობასა შინა იხილე ბოროტი სული ყრმისა სახითა,
ეწადა რად წარწყმედად შენი წყალთა შინა, მცველმან
შენმან ანგელოზმან არა გიტევის სლვად მდინარესა,
ხოლო შურითა ეშმაკისადთა აღედვა რად ცეცხლი
მონასტერსა, შენ უცნობელად გეძინა, მაშინ მოვიდა
სპეტაკითა მოსილი ანგელოზი და განგიყვანა
უვნებელად, ეგრეთვე აწ მეოხ-იყუენ ჩუენტვს
მარადის უფლისა მიმართ, ძალითა უძლეველითა

თვსითა ანგელოზთა მიერ განდევნოს ჩუენგან
ყოველი ბოროტი და გვკსნნეს ყოვლისაგან ჭირისა და
საცთურისა, რადთა უვნებელად დაცულნი
ვიხარებდეთ სულითა და გნატრიდეთ სურვილითა:

გიხაროდენ, სარწმუნოო მონაო ყოველთა მკსნელისაო,
კუალსა მისსა შედგომილო;

გიხაროდენ, ლოცვითა განწმედილო და მარხვითა
განკაფულო;

გიხაროდენ, ცნობად ძალსა წმიდათა წერილთადასა
განბრძნობილო;

გიხაროდენ, სიმკნითა გონებისადათა და უმანკოებითა
გულისადათა შეჭურვილო;

გიხაროდენ, საღმრთოდასა მადლისა სიტკბოებითა
აღვსილო;

გიხაროდენ, განხურვებულთა ისართა ბოროტისათა
მოღუაწებითა დამშრეტელო;

გიხაროდენ, მსგავსად იოვანე მოწყალისა გლახაკთა
და ნაკლულევანთა მწყალობელო;

გიხაროდენ, დიდსულო და ნათლითა
ღმრთისმეცნიერებითა განათლებულო;

გიხაროდენ, ეშმაკთა ზედა ძალითა ქრისტესითა
მრავალგზის მძლე-ქმნულო;

გიხაროდენ, მაცთურისა დიდებისა და საფრჯეთა
მისთა დაუცხრომელითა ლოცვითა განმაქიქებელო;

გიხაროდენ, სულ-მოკლეთა და მოუთმენელთათვს

მაგალითისა მიმცემელო;
გიხაროდენ, ჭეშმარიტისა საღმრთოდსა სიბრძნისაგან
განშუენებულო და ბრწყინვალედ შემკულო;
გიხაროდენ, კეთილმსახურებისა ხატო ბრწყინვალეო,
ღირსო მამაო ჩუენო, გიორგი მთაწმიდელო!

კონდაკი 4

გიხილნეს რაჲ სიბრძნითა და გონიერებითა
სრულქმნილი, მამის ძმათა შენთა მიგიყუანეს ხახულს
- ლავრასა დიდსა, და შეგვედრეს ღირსსა იოვანე
თუალელს, რომელმან ვითარცა ღმრთისა მიერ
მოცემული საყუარელი შვილი, ეგრეთ შეგიწყნარა და
წვრთითა მონაზონებისა მიმართ წარგმართა, ხოლო
შენ იქმენ რაჲ მოშურნე და მოლუაწე
სარწმუნოებისათჳს, დღითი დღე ილუწიდი
სადიდებელად ღმრთისა და აქებდი ძლიერებასა
მისსა: ალილუია.

იკოსი 4

რაჟამს ფერის ჯოჯიკის ძემ და თანამეცხედრემან
მისმან, ასულმან ბაგრატ მეფისამან, ყოველი საქმჳ
სულიერი გიორგი მწერალსა შეჰვედრეს, მაშინ
ძმისწული თჳსი, ვითარცა შემწჳ მსახურებასა შინა
თანა წარგიყვანა, ხოლო იხილეს რაჲ კეთილთა მათ
მეუღლეთა წადიერებაჲ შენი ღმრთის მსახურებისთჳს,

დიდად განიხარეს და ძლიერითა ლოცვითა და
ლუაწლითა შენითა ფრიად განკვრდეს, ეგრეთვე აწ
სული ჩემი ბრწყინვალებითა მადლისა შენისადათა
განანათლენ და გული ჩემი საღმრთოთა
სიყუარულითა აღავსენ, რადათა სიბრძნით ვიდოდე
გზასა ჭეშმარიტებისასა და დაუცხრომელად გაქებდე:

გიხაროდენ, მკნეო, სახეშუენიერო და სეხნაო
მუშაკობისაო;

გიხაროდენ, მორჩო ნაყოფიერო მოლუაწებისაო;

გიხაროდენ, ქადაგო მოციქულთა და მამათა
სწავლებისაო;

გიხაროდენ, წინამძღუარო და ლამპარო
ჭეშმარიტებისაო;

გიხაროდენ, ტრფიალო საღმრთოდასა სიბრძნისაო;

გიხაროდენ, ჳმაო შუენიერო
ღმრთისმეტყუელებისაო;

გიხაროდენ, ქუხილო საღმრთოდასა მოძღურებისაო;

გიხაროდენ, მსაჯულო მსჯავრისაო და
სიმართლისაო;

გიხაროდენ, მსახურო ღმრთისაო და ერთგულო
მამულისაო და მეფისაო;

გიხაროდენ, მიურულებელო მცველო და ქომაგო
ივერთა მიწა-წყლისაო;

გიხაროდენ, ღმრთივადმრულო ქნარო ქართველთა
ეკლესიისაო;

გიხაროდენ, სიქადულო და განმანათლებელო ერისა ჩუენისაო;

გიხაროდენ, კეთილმსახურებისა ხატო ბრწყინვალეო, ღირსო მამაო ჩუენო, გიორგი მთაწმიდელო!

კონდაკი 5

თავი წარკვეთეს რად ფერის ჯოჯიკის ძესა კეისრის ბრძანებითა, და თანამეცხედრწ მისი კონსტანტინოპოლედ წარგზავნეს სახლეულითა, შენცა წარგიყუანეს სამეუფოსა მას ქალაქსა, და სიბრძნისა საწურთელად მიგცეს მონაზონთა ღმრთისმოშიშთა და რიტორთა, რამეთუ სწავლისმოყუარე იყავ შენ და მოთმინე ფრიად და წარემატე უფროდს ბერძენთასა, ვინადცა ჰნატრიდეს გულსმოდგინებასა შენსა და აქებდეს განმაბრძნობელსა შენსა, ქრისტესა: ალილუია.

იკოსი 5

ასული ბაგრატ მეფისად მოვიდა რად მამულსავე თვისსა, შენცა წარემართე ხახულს და შეუდეგ ღუაწლსა მონაზონებისასა, გარნა ყოველთაგან სივტოლად იხუმიე სამოსლითა საგლახაკოდთა, რადთა თაყუანისცე წმიდათა ადგილთა, ნეტარო, და შეემთხვიე რად კაცსა მას, ეშმაკთაგან ვნებულსა, სულთა უკეთურთა შეჰრისხნე სახელითა ქრისტესითა

და განათავისუფლე ძრწოლისაგან და ღრჭენისაგან
კბილთადასა, ეგრეთცა თანამავალ გუექმენ და გვკსენ
ჩუენ საფრჯეთაგან ეშმაკისადათა და მზაკუარებათაგან
კაცთადასა, რადათა ვპოოთ განსუენებად და შუებად
წარუვალთ შემსხმელთა შენტა და მგალობელთა:

გიხაროდენ, ცხორებითა სათნოდთა უსხეულოთა
მიმსგავსებულო;

გიხაროდენ, ჭეშმარიტისა საღმრთოდსა სიბრძნისაგან
განშუენებულო და ბრწყინვალედ შემკულო;

გიხაროდენ, გამოუთქმელითა სიწმიდითა
სამღდელოთათჳს მაგალითისა მიმცემელო;

გიხაროდენ, ზეშთა მეტყველებასა მიწევნულო და
ღმრთისმეტყუელითა პირითა უაღრეს რიტორთადასა
მეტყველო;

გიხაროდენ, განსასტიკებულთა გულთა
მომალბობელო და მწვალებელთა ენათა
მომაუძღურებე-ლო;

გიხაროდენ, უფლისაგან არაწმიდათა სულთა ზედა
კელმწიფებისა მიმღებელო;

გიხაროდენ, გრძნებითა გონებაცთომილთა კუალად
გონებადვე მომყვანებელო;

გიხაროდენ, მსგავსად დიდისა მოციქულისა პეტრწსა
სასწაულითა წმიდისა ჯუარისადათა მოგუთა
გრძნებისა დამარღვეველო;

გიხაროდენ, სიცბილისა მათისა ძლევიტ

მამხილებელი;

გიხაროდენ, ქრისტეს სახელის სადიდებლად ეშმაკთა
საზორველისა დამამკობელი;

გიხაროდენ, სატანისა მაკეთაგან და უცხო თესლთა
ზედა მოსლვისაგან დამფარველი;

გიხაროდენ, ლოცვითა შენითა მრავალსახეთა
სენთაგან შეპყრობილთა დამკსნელი;

გიხაროდენ, კეთილმსახურებისა ხატო ბრწყინვალეო,
ღირსო მამაო ჩუენო, გიორგი მთაწმიდელო!

კონდაკი 6

ეძიებდი რად მოძღუარსა სულიერსა, ანტიოქიად
მიიწიე, და აღსრულმან მთასა საკვირველსა, პოვნე
ქუაბსა შინა ბერი წმიდად, განშორებული
სოფლისაგან, გიორგი დაყუდებული, და დაემოწაფე
დიდსა მას მნათობსა ქართველთა ერისასა, გარნა
გიხილა რად ნეტარმან ბერმან სულითა უძლეველი და
ჯორცითა ახოვანი, სქემითა ანგელოზებრითა შეგმოსა
და იერუსალჴმად წარგგზავნა, ხოლო შენ
წინამძღურობითა სულისა წმიდისადათა აღხვედ
ქალაქად წმიდად, და უმდიდრესითა მადლითა
წმიდისა მიწისადათა უკუნიქეც მთასა საკვრველსა
მოძღურისა კურთხევითა, ვინაჲცა თარგმანებად
წიგნთა საღმრთოთად ბერძულისაგან ქართულად თავს
გადვა და მთაწმიდას, ივერთა სავანესა წარგგზავნა,

მაშინ საქმით აღსრულებად ისწრაფე მოძღურისა ბრძანებისა და შესწირე უფალსა სადიდებელი ქებისად: ალილუია.

იკოსი 6

ეჰა, შეწევნად მაღლისად ნებისყოფელთა მისთა, რამეთუ წარემართე რად გზასა მას ათონად მიმყუნებელსა, დიდსა მას მდინარესა ღელვათა სიმძაფრითა ვერ უძლე წიაღსლვად, გარნა მოწამეთა შორის ახოვანი გიორგი მცველად და შემწედ მოგმადლა მოლუაწესა თვისსა, რაჟამს ამკედრებულმან ცხენსა ზედა სპეტაკსა მშვიდობით წიაღიყვანა და თვთ უჩინოდ იქმნა, ხოლო შენ მისრულმან ლავრასა ქართველთასა, პირველად თაყუანის-ეც ყოვლად წმიდასა ხატსა პორტაიტისასა, და ამბორს უყავ სამარხოსა წმიდისა ეფთჳმისსა, რამეთუ ჰბაძავნ მას უდაბნოდსმოყუარებითა და ღუაწლითა ფრიადითა მიიწიე საზომსა დიდსა, ხოლო ჩუენ გუესმა რად საკვრველი და მაღალი მოლუაწებად შენი, შესხმად და გალობად აღვალებთ პირთა:

გიხაროდენ, ღმრთისა სიტყვსა საყვირო და ებანო ჳმა-
მაღალო;

გიხაროდენ, ქრისტჳს ქნარო სულიერო და ენაო
კეთილად მეტყუელო;

გიხაროდენ, მსგავსად წინასწარმეტყუელისა და

ღმრთისმცნობელისა მოსწჳსა ნათელმოსილო და სახე-
ბრწყინვალეო;
გიხაროდენ, სიკეთითა და ღუაწლისა
ბრწყინვალეობითა შუენიერო;
გიხაროდენ, წმიდისა მის მთისა საღმრთოდთა
ზრახვითა მომხილველო;
გიხაროდენ, ახოვანთა ათონელთა საფასისა მოწაფეო
და კუალსა მათსა შედგომილო;
გიხაროდენ, ყოველთავე ძუელისა და ახლისა
შჯულისა წიგნთა სახელოვანო მთარგმნელო და
ფილოსოფოსო, თავთა მოციქულთა თანა ღირსად
საგალობელო;
გიხაროდენ, მონაზონთა ცხორებისა კანონო და
ბეჭედო სანატრელო;
გიხაროდენ, ანდამატისა უმტკიცესო, მრავალ-სახეთა
საცთურთაგან უძლეველო;
გიხაროდენ, სათნოებათა და სასწაულთა შენტა
დაფარვითა მთავართა ბნელისადათა წარმწყმედელო;
გიხაროდენ, ანგელოზთაგან სახარულევანო და კაცთა
შორის სადიდებელო;
გიხაროდენ, შესავედრებელო ყოველთა ქართველთაო,
მტკიცეო ზღუდეო და მყუდროო ნავთ-საყუდელო;
გიხაროდენ, კეთილმსახურებისა ხატო ბრწყინვალეო,
ღირსო მამაო ჩუენო, გიორგი მთაწმიდელო!

კონდაკი 7

ილუწიდი რაჲ ივერთა საღმრთოსა მონასტერსა წელიწადსა შჯდსა, კეთილად აღწერე ღუაწლი მამათა მათ, სავანისა მაშენებლთა და ძეგლად სარწმუნოებისად აღგვიმართე ნათესავთა შენთა, გარნა ვერ წინაღუდეგ ნებასა მოძღურისასა და იკურთხე რაჲ ხუცად თვნიერ ნებისა შენისა, ზედა-მდგომელობითა და ლოცვითა მისითა შეუდეგ კუალთა წმიდისა მამისა ეფთჳმისათა და ბერძნულისაგან თარგმნად იწყე შეწევნითა სულის წმიდისაჲთა, ხოლო ნაღუაწნი შენნი დიდად წარჩინებულად საზეპუროდ ჰქონან მეფესა და ერსა, და აქებდენ და უგალობდენ ღმერთსა: ალილუია.

იკოსი 7

იხილეს რაჲ სავანისა ძმათა, რამეთუ ქრისტჳს მცნებათა გზასა უბიწოდ ხვდოდი და ანგელოზებრ იქცეოდი, აღგიყვანეს მაღალსა მას კიბესა წინამძღურობისასა და დაგსვეს საყდარსა წმიდისა მამისა ეფთჳმისსა, ხოლო შენ სამწყსოსა მას, რომელი გერწმუნა, დამწყსიდი მშჯდითა და მდაბალითა სულითა და კეთილად განაგებდი ივერთა სავანესა, რომელი აწ დახშულ არს ქართველთათჳს, და შენცა ნუ დაიდუმებ ოხად წინაშე ღმრთისა, სათნო იჩინოს მოხედვად უსაზღვრომან მოწყალებამან მისმან, რაჲთა

ნათესავნი ჩუენნი ჟამსა წირვიდენ სამკვდროსა მას
მამათა ჩუენტასა და შენ მიერ მოქადულნი გაქებდენ,
ვითარცა მოწაფენი ერთგულნი, საყუარელსა
მოდლუარსა თვსსა:

გიხაროდენ, მღდელი წმიდაო და სხუათაცა
წმიდამყოფელო, ცოდვის მოყუარეთა კაცთათვს
თავშეკავების სიტკბოებისა მასწავლელო;

გიხაროდენ, სახედ და ხატად სათნოებისა მომავალთა
ნათესავთათვს დიდისა ეფთვიმეს ცხორებისა
აღმწერელო;

გიხაროდენ, წმიდისა ამის მთისაგან და ივერთა
ლავრისა ნაკადულთა ცხორებისათა პირსა ზედა
ქუეყანისა და ნათესავისა ჩუენისასა მიმფენელო;

გიხაროდენ, საკვრველითა სიბრძნითა ძნიად
მისაწდომელთა მათ ღმრთისმეტყუელებათა და
წიგნთა სიღრმისა ძალსა შუენიერად განმმარტებელო;

გიხაროდენ, ყოველთა საგალობელთა და
საეკლესიოთა კანონთა გულსმოდგინებითა
აღმრიცხველო;

გიხაროდენ, განსაცდელთა შინა შეწევნისა მადლისა
ზეცით-გარდამო მომღებელო;

გიხაროდენ, სწავლათა ღმრთივსულიერთა და
მცნებათა მიერ საღმრთოთა მონაზონთა გამო-
მწვრთნელო;

გიხაროდენ, სოფლისა ღელვათაგან შერყეულთა

გულთა ღმრთისმოსავობასა ზედა განმსწავლო; გიხაროდენ, გამოუცდელთა ძმათა ვნებულთა გულისთქუმათაგან დამფარველო და უწმინდურებისა მამხილებელო; გიხაროდენ, მორჩილთათჳს ტკბილო და მდაბალო, და უნანელთა შემაგონებელო; გიხაროდენ, კაცთა მამულად სამსახურებელად და სულიერებად მომყვანებელო; გიხაროდენ, კეთილმსახურებისა ხატო ბრწყინვალეო, ღირსო მამაო ჩუენო, გიორგი მთაწმიდელო!

კონდაკი 8

მათ ჟამთა შინა, იყო ბრძოლად ქუეყანათა შორის ქართველთა და ბერძენთასა, და გპოვა შენ ივერთა სავანემან, ვითარცა სიმდიდრჳ ღმრთისად და სიხარულითა შეგიწყნარა, გარნა გულისგმა-ყავ, ნეტარო, რამეთუ ღმრთივსულიერთა წინგთა თარგმნად არა აღორძნდებოდა და იჯმენ წინამძღურობისაგან, არამედ ვედრებითა მარიამ დედოფლისადთა მიიწიე იერუსალჳმად და დიდძალი შეწირულობად მიეც გიორგი-პროხორე შავშელსა განახლებისათჳს ჯუარისა მონასტრისა და განუყავ ეკლესიათა და გლახაკთა, ხოლო ჩუენ დაღათუ არა ვართ ღირს ცოდვათა ამათ ჩუენთათჳს, შეგვეწიე, რადთა კუალად დაემკვდრნეს ქართველნი

სახელოვანსა ჯუარისა მონასტერსა, და დაუცხრომელად უგალობდენს ყოველთა კაცთა წსნისათჳს ჯუარცმულსა ქრისტესა, მეუფესა და ღმერთსა: ალილუია.

იკოსი 8

ჟ, საქმე ესე მაღალი და განსაკრთომელი, ჯუცეს-მონოზონო გიორგი, რამეთუ შავმთასა მისრულმან თარგმანებისათჳს წმიდათა წიგნთაჲსა ბერძულისაგან ღუაწლი და შრომაჲ თავს იდეჳ და ქუეყანაჲ შენი კეთილმსახურებისა წერილითა აღავსე, რომელთა მიერ განაშუენე ეკლესიაჲ ქართველთაჲ და შჳლთა თჳსთა თანა სწავლითა საღმრთოჲთა ბრწყინვალედ შეამკვე, აწ დაამშჳდე გული ჩუენნი სოფლისა ღელვათაგან შერყეული და შეგინებული და მღჳძარებითა საღმრთოჲთა აღმავსე, რაჲთა ჩუენცა ნამუშაკევთა შენტა კეთილად გამომეძიებელ ვიქმნნეთ და შენ მიერ განმწნობილი გნატრიდეთ:

გიხაროდენ, სიტყუათა სულიერთა და წესთა შჳჳულისათა უცთომელო აღმწერელო;

გიხაროდენ, უცხოებასა შინა მყოფთა თჳსტომთა ღელვათაგან მრავალსახეთა განმარინებელო;

გიხაროდენ, მტერთა მზაკუვარებათა განმაქარვებელო;

გიხაროდენ, წმიდისა წერილისა სიტყუადუხჭირობისა

და ვერაგობისაგან განმწმედელო;
გიხაროდენ, უნაკლულოდ თარგმნილთა ფსალმუნთა
მიერ გონებათა თაფლებრ დამატკობელო;
გიხაროდენ, წმიდათა მამათა მიერ გარდამოცემულსა
მართლმადიდებლობასა შინა განმამტკიცებელო;
გიხაროდენ, ცრუმორწმუნეობისა მწიკულისა
განმბანველო;
გიხაროდენ, ეფთჳმისაგან თარგმნილთა და
უცალოებისაგან ვერ-სრულქმნილთა
განმასრულებელო და ღუაწლისა მისისა
განმავრცობელო;
გიხაროდენ, ჟამთა სიავისაგან და უგუნურთა მიერ
შერყვნილთა ჳელნაწერთა კუალად უსრულესად და
უწმიდესად განმმართველო;
გიხაროდენ, ღუაწლისა შენისა მხილველთა და
თანადამსწრეთა განმაცვიფრებელო;
გიხაროდენ, მრავალთა კეთილთა მწყემსთა
გამომაბრწყინებელო;
გიხაროდენ, უგუნურთა და უსწავლელთა შორის
საღმრთოთა სწავლათა განმფენელო;
გიხაროდენ, კეთილმსახურებისა ხატო ბრწყინვალეო,
ღირსო მამაო ჩუენო, გიორგი მთაწმიდელო!

კონდაკი 9

ოდეს სვმეონწმიდელთა მონაზონთა აღელესნეს ენანი გულის წყრომითა და რისხვითა ქართველთა ზედა და ჰხედვიდეს ვითარცა მწვალებელთა, შენვე აუწყე ივერთა ეკლესიისა სიწმიდლ ანტიოქიისა პატრეაქსა, და ყოვლითურთ განაქიქე ცილისწამებად ქართველთა მოძულეთა ბერძენთა, ეგრეთვე აწ ამაო ჰყვენ საშინელნი მზაკუვარებანი მათნი, რომელნი ილუწიან სრულიად განხრწნასა და აღსპობასა ქართველთასა, და ეკლესიად დაიცევ მწვალებელთაგან, რადთა განბრწყინდეს საქართველოდ მშვდობითა და დიდებითა და ერთგულნი მამულისანი და მონანი სარწმუნონი მარადის ვადიდებდეთ იესუს, მეუფესა და მკსნელსა ჩუენსა: ალილუია.

იკოსი 9

კუალად აღიძრნეს ბერძენნი, და მაცთურებითა და ზაკუვითა შეიზრახნეს რად ქართველთა ზედა, სიცბილითა ამცნეს თევდოსისა, ანტიოქიელ პატრეაქსა: „ათორმეტთა მოციქულთაგანი არვინ მისრულ არს ქუეყანასა ქართლისასა, და ჯერ არს, რადთა იმწყსებოდინ ჳელმწიფებასა ქუემე შენსა“, მაშინ მოიღე შენ „მიმოსლვად ანდრეა მოციქულისად“, და მუნით არწმუნე კრებასა მამათასა: „ჩუენ

პირველწოდებული ანდრიას მოქცეულნი ვართ, და ვითარცა პეტრწსი ჯერ არს, რადთა დაემორჩილოს მწოდებელსა თვსსა და ძმასა, ეგრეთვე აწ სამართალ არს, რადთა თქუენცა დაემორჩილნეთ ქართველთა ეკლესიასა“, და ესრეთ განაქარვნე სიტყუანი ბერძენთანი შეწევნითა ღმრთისადათა, მას ევედრე, განგვიმრავლნეს ღირსნი მამანი და ბრძენნი წინამძღუარნი, შემკობილნი საქმითა და სიტყუთა, რადთა ჯეროვნად მსახურებდენ ქართველთა წმიდასა ეკლესიასა და გნატრიდენ ახოვან ქმნილნი ღუაწლითა შენითა:

გიხაროდენ, საღმრთოო მესაიდუმლეო, მოღუაწებათა ნათლითა წინა-განჭურეტისა მაღლისა მომგებელო;

გიხაროდენ, გონებისა განჯსნისა და ყრმათა

გულისჯმისყოფისა მაღლისა ნიჭად მიმღებელო;

გიხაროდენ, სიბრძნითა სრულეო, გულთა და ჰაზრთა გამომთარგმანებელო;

გიხაროდენ, სწავლითა ცხორებისადათა უგულისჯმოთა განმაბრძნობელო;

გიხაროდენ, წიგნთა შენთა სულთა

განმაცხოველებელითა მდინარითა ეკლესიათა ჩუენთა მომრწყველო;

გიხაროდენ, ჭეშმარიტებისა ლახვრითა ეშმაკთაებრ ცილისმწამებელთა კაცთა დამცემელო;

გიხაროდენ, ენითა ცეცხლისადათა

მრავალშეთხზულთა სიცრუვეთა დამწველო და ძმათა
თვსთა წარურღვნელად დამცველო;
გიხაროდენ, ბერძენთა სივერაგისა დამწსნელო და
ბოროტმზრახვალთა პირთა დამხშველო;
გიხაროდენ, ივერთა ეკლესიისა თვთმყოფადობისა
დამამტკიცებელო;
გიხაროდენ, ქართლოსიანთა მტერობისთვის ყოველთა
შემადრწუნებელო და დამამდაბლებელო;
გიხაროდენ, მძვნვარისა მის სულიერისა სიყმილისა
დამაყენებელო;
გიხაროდენ, მარადის ძაძითა შემოსილო და საყდართა
ზედა ქართლის ეკლესიისასა კათალი-კოსობისა არა
თავს-მდებელო;
გიხაროდენ, კეთილმსახურებისა ხატო ბრწყინვალეო,
ღირსო მამაო ჩუენო, გიორგი მთაწმიდელო!

კონდაკი 10

ზღუდედ სჯულისა და ხატად სიწმიდისად მოგიგო
შენ ღმრთისმოყუარემან მეფემან ქართველთამან
ძლიერებისათვს სიტყუათა შენთაჲსა და
ბრწყინვალეებისათვს ცხორებისა შენისა, და
მრავალგზის მოწერითა და ვედრებითა გარწმუნა
წარსლვისათვს სამეფოსა მისსა, რაჲთა ყოველნი
იკურთხნეს შენ მიერ და განათლდეს ხილვითა
შენითა, ხოლო შენ ხედვიდი რაჲ სარწმუნოებასა და

სიყუარულსა შენდა მომართ მეფისა ბაგრატისსა,
დიდითა შრომითა მიიწიე ქართლს - მოქცევად
მკვდრთა მისთა საცთურისაგან, და ვითარცა ელიად,
უშიშად ამხილებდი რად მეფესა, ყოველთა მოუწოდე
მეცნიერებად და დიდებად ღმრთისა: ალილუია.

იკოსი 10

განახლება მადლისად მოეცა შენ მიერ სამოციქულოსა
მას დიდებულსა, ნინო კაბადუკიელისა მიერ
განათლებულსა ერსა, რამეთუ უმდიდრესითა
მადლითა ღმრთისაჲთა აღსავსე ლოცვად შენი და
სიტყუად და სწავლად ექმნა საჭეთმპყრობელად და
მმართველ მეფეთა და მთავართა, და სამღდელოთა
და ერთა, და იკსენ დანთქმისაგან ცოდვათასა,
ეგრეთვე აწ განაბრძვნი მთავარნი და მმართველნი
ჩუენნი და მშვიდობით შეზღუდენ მეოხებითა
ღმრთისმშობელისაჲთა, რაჲთამცა ვვიდოდინ გზათა
სიმართლისა და ჭეშმარიტებისათა, და გნატრიდენ
შენ, ვითარცა დიდსა მამასა და მამულიშვილსა:

გიხაროდენ, სულთა სარგებელითა მოლუაწებითა
ყოველთა ქართველთ ზნეობათა აღმამაღლებელო;
გიხაროდენ, უმჯულოთა მიერ ზარგანხდილთა
ქრისტიანეთა სულიერითა სიხარულითა
აღმავსებელო;
გიხაროდენ, ანდრეა მოციქულისა და სკმეონ

კანანელისა შთაფლულისა თესლისა კუალად
აღმაორძინებელო;

გიხაროდენ, მრავალთა უწესოებათათჳს მეფეთა
თუალუხუავად მამხილებელო და სამეუფოთა
სამართალთა შინა განმსწავლელო;

გიხაროდენ, მუშაკო კეთილო, ქუეყანისა შენისა
ღუარძლთაგან სრულიად განმწმედელო და ერისა
შენისა მრავალთა წყლულებათა განმკურნელო;

გიხაროდენ, გარეგან ცხოვართაჲთა მოსილთა და
შინაგან მგელ-ღმრთისმსახურთა დამამკობელო და
განმთხეველო;

გიხაროდენ, სიტყვთა ტკბილო და ზრახვითა
საწადელო, ქართველთა ეკლესიისა
განმანათლებელო;

გიხაროდენ, სიწმიდითა განკრძალულთა მღდელთა
და მონაზონთა პატივისმცემელო და ანგარ-
მომხვეჭელთა მარცხვენელო;

გიხაროდენ, კეთილმორწმუნეთა მთავრობათა და
მკედრობათა შესავედრებელო და უღმერთოთა
კრებულისა მძლეველო;

გიხაროდენ, მძლავრთა კაცთ-მოძულეთა მთავართა
და მსაჯულთა მარცხვენელო და მათ მიერ
უმსჯავროდ განსჯილთა მწყალობელო;

გიხაროდენ, ძლიერთა და ახოვანთა, სიმდიდრესა
ზედა მკლავისა თჳსისასა მოქადულთა და

სიმრავლესა ზედა ერისასა აღზუავებულთა
შემრისხველო;

გიხაროდენ, კეთილმსახურებისა ხატო ბრწყინვალეო,
ღირსო მამაო ჩუენო გიორგი მთაწმიდელო!

კონდაკი 11

ოდეს მოწყალემან ღმერთმან უშჯულოებათა
სიმრავლისთჳს ყოველსა აღმოსავლეთსა ზედა
სიყმილი მოიწია, გონებისა მის შენისა სიმშჳდითა და
გულისა სიწმიდითა ემსგავსე მეუფესა შენსა
ქრისტესა, რამეთუ მრავალნი ობოლნი და გლახაკნი
გამოზარდნე მრჩობლთა მიერ საზრდელთა და
ძლუნად პატიოსნად მიჰგვარე წმიდასა ეკლესიასა,
რადთა ჰყუავილოვნებდეს და მოაქუნდეს უხუად
ნაყოფი სადიდებლად ღმრთისა და სარგებელად
მამულისა, ეგრეთვე აწ განგვიხუენ საუნჯენი
წიგნთანი და წარმართენ ბაგენი ჩუენნი შესხმად
შენდა და დიდებად ღმრთისა: ალილუია.

იკოსი 11

გულისჳმა ყავ რად ჟამი განსლვისა შენისად, აღიძრა
სული შენი წარსლვად მთაწმიდად, და მიიქეც რად
კონსტანტინეპოლედ, სამეუფოდ ქალაქად, სიმრავლჳ
იგი ობოლთაჲ წარადგინე წინაშე კეისრისა და
შემდგომად ღმრთისა შეჰვედრე ჳელთა მისთა, მერმე

აკურთხე მოწაფენი შენნი და დღესასწაულსა მას
თავთა მოციქულთასა მიეც წმიდად სული თვისი
საწადელსა შენსა ქრისტესა, მაშინ უსხეულოთა
გუნდსა თანა აღმაღლდი წინაშე მისა, და დაუტევე
ეკლესიასა ჩუენსა სწავლაჲ და საკსენებელი შენი
პატიოსანი, რომლისა აღმასრულებელი მსწრაფლ
მივემთხვევით წმიდათა ხატთა შენთა, სადადო-იგი
აღმოდის კურნებათა საღმრთოდ მდინარჲ და
აღმოვსთქუამთ ქებულებათა შენთა:

გიხაროდენ, მწყემსო სულიერო, განბნეულთა
ცხოვართა შემკრებელო და ჭეშმარიტისა ღმრთისა
მიმყვანებელო;

გიხაროდენ, სულითა და ჯორცით მწიკულევანისა
ცოდვილთათვის სინანულისა მასწავლელო;

გიხაროდენ, ძნელისაგან პყრობილებისა და მძლავრთა
მონებისაგან მრავალთა სულთა გამომკსნელო;

გიხაროდენ, მკცოვანთა განმამტკიცებელო და
უძლურთა განმმკურნელო;

გიხაროდენ, მშიერთა გამომზრდელო და შიშველთა
შემმოსველო;

გიხაროდენ, ობოლთა მცველო და ყრმათა
გულისკმისყოფელო;

გიხაროდენ, ჭაბუკთა და ქალწულთა ყოვლისა
სიბილწისა და მანკიერებისაგან დამკსნელო;

გიხაროდენ, შვლთა მორჩილებად მშობელთა

განმწვრთნელო;

გიხაროდენ, წინაშე კეისრისა ქართველთა
უცთომელისა სარწმუნოებისა გულსმოდგინებითა
დამცველო;

გიხაროდენ, საწვრთელად და გულის-ჴმის
საყოფელად ჩუენდა შინაგანმცემელთა
ქართველთათჴს წყევისა და შეჩვენებისა დამდებელო;

გიხაროდენ, ლოცვითა წჴმათა მომყუანებელო და
ეშმაკთა კაცთაგან მაოტებელო;

გიხაროდენ, ყოვლისავე ქართველთა ნათესავისა მიერ
მამად მართლმადიდებლობისა შერაცხილო და

სწავლის-მოყუარეთა მიერ მარადჴამს საჴსენებელო;

გიხაროდენ, კეთილმსახურებისა ხატო ბრწყინვალეო,
ღირსო მამაო ჩუენო, გიორგი მთაწმიდელო!

კონდაკი 12

ოდეს შეისუენე და მიხვედ მამათა შენთა თანა

სიბერითა პატიოსნითა, მოწაფეთა შენთა

ღუაწლმრავალი ნეშტი შენი შთაასვენეს კიდობანსა

შინა ცრემლითა დათხევითა, დადგეს ურემსა ზედა

და წარემართენ რად მთაწმიდას ფსალმუნითა და

გალობითა, ადიდა ჴორცთაგან განსლვაჲ შენი

მეუფემან ნიშთა მიერ და სასწაულთა, რამეთუ სლვასა

შინა აღეცვა ეკალი ფერჴსა ჴასაკითა უმრწემესსა

მოწაფესა შენსა, პანტელეიმონსა, და ქუე რად დადრჴა,

მეყუსეულად საზარელმან ურემმან გარდავლო ზურგსა ზედა, გარნა ესრეთ აღასუბუქა საკვრველად მძიმე იგი ურმის თუალი მადლმან წმიდისა გუამისა შენისამან, რომელ მყის აღდგა ყრმაჲ იგი და ადიდებდა ღმერთსა, წმიდათა შორის საკვრველსა: ალილუია.

იკოსი 12

ესმა რად აღსრულებაჲ შენი კონსტანტინეს - მეფესა თვთ-მპყრობელსა, შეწუხნა ფრიად და ორი სიგელი უბოძა ობოლთა შენთა, რადთა არვინ იკადროს მათი მონასტრით განძევაჲ და წინააღუდგეს, უკეთუ ვისმე ენებოს წმიდისა ლავრისა ვნებად, და ესე ორნივე სიგელნი და სანთელ-კელაპტარნი დასდვეს წმიდასა მკერდსა შენსა ზედა და პატივით დაგფლეს ლუსკუმსა შინა გიორგი მაშენებლისასა, ხოლო „ცხორებისა“ შენისა აღწერად ისწრაფა მოწაფემან შენმან - ღირსმან გიორგი „მცირემან“, და სიქუელისა შენისა გულსმოდგინედ მომთხრობელმან, აღსძრა ბაგენი ჩუენნი გალობად შენდა:

გიხაროდენ, ივერიისა მკვდრთა ტკბილო ნუგეშო,
სიხარულისა მაცხოვნებელისა მომნიჭებელო;
გიხაროდენ, ღმრთისმოყუარეთა გულთა შინა
მადლისმიერისა სიხარულისა მიმფენელო;
გიხაროდენ, სულისა სიმჭნითა და ახოვნებითა სულ-

მოკლეთა და მოუთმენელთათჳს მაგალითისა
მიმცემელო;

გიხაროდენ, სიღრმესა უმეცრებისასა დანთქუმულთა
სულთა შესამეცნებელად ღმრთისა აღმო-
მყუანებელო;

გიხაროდენ, ელენთა მიერ ბარბაროზად წოდებულთა
ქართველთა ღმრთისა მიერ მოცემულითა სიბრძნითა
შენითა მათ თანავე აღმრაცხველო;

გიხაროდენ, სახილველთა ზეცისათა აღტაცებულო და
სამოთხისა შუენიერებისა მხილველო;

გიხაროდენ, საღმრთოსა ბრწყინვალებასა
მიახლებულო და დიდებულსა მწყობრსა სჯულისა და
ქუეყანისათჳს თავდადებულთა მამა-პაპათასა
შეერთებულო;

გიხაროდენ, შუამდგომლობითა შენითა საღმრთოდესა
მოწყალებისა კართა განმხუმელო;

გიხაროდენ, ქართველთა ერისათჳს
კეთილმსახურებითისა სიტკბოებისა უფლისაგან
გამომთხოველო;

გიხაროდენ, შემგომად სიკუდილისაგა ეშმაკთა
მაოტებელო და სულიერთა და ჳორციელთა ვნებათა
განმკურნელო;

გიხაროდენ, კეთილთა თხოვათა აღმასრულებელო და
ბოროტთა ძირთა გულის-თქმათაჲთა სრულიად
აღმომფხურელო;

გიხაროდენ, კეთილმსახურებისა ხატო ბრწყინვალეო,
ღირსო მამაო ჩუენო, გიორგი მთაწმიდელო!

კონდაკი 13

ჟ, მამათა შორის მოძღურებათა და სასწაულთა
სიმაღლითა განთქუმულო და მოღუაწეთა შორის
საკვრველო, ყოვლად ნეტარო გიორგი მთაწმიდელო!
მოგუხედენ სარწმუნოებითა თაყუანის-მცემელთა და
სურვილით ამბორის-მყოფელთა პატიოსანისა ხატისა
შენისათა და ევედრე ღმერთსა, დაგვფაროს
მონებისაგან სულთა წარმწყმედელისა საცთურისა,
მოგუანიჭოს სარწმუნოებაჲ შეურყეველი, ცხოვრებისა
სიწმიდჳ და შიში ღმრთისაჲ, რადთა შენებრ ღირსე-
ბითა და სიმართლითა ვემსახუროთ მამულსა და
ერსა, და ქრისტიანობითსა აღსასრულსა მიწევნულნი
შენთანა უგალობდეთ ღმერთსა: ალილუია.

ეს კონდაკი 3-გზის, შემდგომ

